

■ KOMUNIKASI VISUAL LANDSKAP DAN REKAAN DALAMAN

# SEHELAI KERTAS GAMBARKAN SEGALANYA

Kemahiran 'freehand visualization' penting dikuasai pereka untuk berurusan dengan pelanggan

FOTO SHEAZALI



MUHAMAD ADLI SALIHIN menunjukkan salah satu lukisan 'freehand visualization' dihasilkannya.

Hartini Mohd Nawi  
[hartini@metro.com.my](http://hartini@metro.com.my)

Perkembangan dunia landskap juga meletakkan komunikasi visual antara yang penting dalam menyampaikan maklumat, mesej dan gambaran reka letak sebuah taman.

Keadaan itu turut memberikan 1,001 pengalaman buat pakar landskap, Muhamad Adli Salihin Samsudin apabila berpeluang mengikuti kursus Graphic Communication Studio yang membabitkan 'freehand visualization' di bawah seliaan pensyarahnya Dr Ruzaimi Mat Rani.

Ia bagi melengkapkan pengajaran sarjana senibina landskap di Fakulti Rekabentuk dan Senibina Universiti Putra Malaysia (UPM) yang sedang diikutinya.

"Saya masih baru dengan 'freehand visualization' namun mendalaminya memberikan 1,001

kesesuaian," kata Penolong Pengarah Seksyen Florikultur, Bahagian Padi, Tanaman Industri dan Florikultur, Pusat Pembangunan Komoditi, Kompleks Jabatan Pertanian Serdang itu.

Menceritakan pengalaman sepanjang kursus 'freehand visualization' itu, Muhamad Adli Salihin nyata kagum dengan Dr Ruzaimi kerana 'sifunya' itu begitu tekun dan sistematis dalam memastikan pelajarnya dapat menguasai teknik

melukis dengan berkesan.

"Bermula dari satu hingga tiga titik perspektif dan teknik 'drafting' yang sangat berkesan, ternyata ia memberikan ilmu serta pengetahuan kepada saya untuk melaksanakannya."

"Sekarang saya boleh melukis sesuatu pemandangan, menggunakan kemahiran 'freehand visualization' secara terus.

"Teknik sebegini sangat penting untuk setiap pereka menguasainya bagi memudahkan kita berurusan dengan

pelanggan sebelum olahkan secara terperinci melalui komputer dilakukan," katanya yang kini mampu menghasilkan lukisan termasuk objek tiga dimensi.

Malah lukisan yang

membawa gambaran sebuah bandar dan destinasi tertentu lengkap dengan landskap turut dihasilkan dalam usahanya mempelajari kemahiran 'freehand visualization.'



NAMPAK ringkas tapi kemahiran 'freehand visualization' membawa gambaran lebih daripada sebuah lukisan semata-mata.



LATAR landskap juga menjadi elemen utama pada lukisan ini.



DR RUZAIMI (kanan) memperkatakan hasil 'freehand visualization' Muhamad Adli Salihin.